



戎車有五倅

倅副也所謂副車也秦平天下以諸侯所乘之車曰副車

有士師則載虎皮乘輿豹尾

古軍中建之自晉惟乘輿得建

早有翬織雉羽為扇以翳風塵

雉扇周已有之

條狼氏執鞭趨辟之

鳴鞭周制也

八喪共銘旌建廡車之旌

銘旌始見於此

豕人掌公墓之地辨其兆域墓大夫掌邦墓之
地域令國民族葬而掌其禁令

族葬分昭穆古制也

太祝辨六號一曰神號二曰鬼號三曰示號四

曰牲號五曰壘號六曰幣號

神號自周已有之

庶氏掌除毒蟲

毒蟲之害其來久矣

小行人達天下之六節山國用虎節土國人節

澤國龍節以金為之道路旌節門關符節都鄙

管節皆以竹為之

持節始見於此

鬻熊作書題曰鬻子

始有子名

玉藻曰天子佩白玉而玄組綬公侯山玄玉而

朱組綬

按組綬起於周蓋貫佩玉而相承與者也戰國持解去紱以朱組相連結于襍轉相綬今所謂帶綬蓋起于七國而名自三代也

藏金掌錫石丹青之令

即後之金部也

合人主藏九穀

即後之倉部也

司險掌溝塗

即水部之職也魏尚書始有水部郎

司服掌王之衣服辨其名物與其用事

即後之尚衣

周天子六軍其將皆命卿

按在國稱大夫在軍稱將軍將軍之稱古有之

月令曰出土牛以示農耕之早晚

上牛周制也

司烜仲春以木鐸修火禁于國中

謂季春將出火令寒食此寒食之始也言介

子推者安也

凡邦之大事共墳燭庭燎

庭于門外曰墳燭門內曰庭燎所以照衆為
明者始見言庭燎

校人掌頒良馬而養乘之馬三乘曰皂三皂為繫六繫為廐又曰天子十二閑邦國六閑

稱廐稱阜稱閑始此

檀弓云季武子曰合葬非古也自周公以來未之有改也

合葬疑始於周

黨正以禮屬民而飲酒于序以正齒位

鄉飲酒之禮至周始見

禮記曰投壺之禮主人奉矢司射奉中使人執壺

投壺始於周見之

凡民有罪役諸司空

此徒之始也

大胥掌學士之版以待致諸子春入學舍菜合

舞

釋菜之禮始見於此前此無可考

師氏以三德教國子教三行凡國之貴遊子弟學焉

國子公卿大夫子弟師氏教之而世子亦齒焉後卿大夫子弟送學讀書援古為法也

成王十五而冠筮日筮賓冠委貌於阼三加彌尊裸享樂于廟周公冠成王命史雍頌

此天子冠禮於周始見之

俘來比敷乃命寧予以秬鬯二卣

賜酒之始也

周公位冢宰正百官群叔流言乃囚蔡叔于郭鄰

囚親藩始見此

以車七乘降霍叔于庶人

親藩降庶人始此

夷微盧烝三亳阪尹

尹亦周官名也

賜越裳氏駢車

賞賜外國之始

宮人掌王之六寢之修路寢以視事小寢以時
宴息

後稱內寢始此

立東宮西宮

西宮公宮也東宮太子所居

命太保召公至洛卜宅宅成命周公分正東都

按兩都之制始於此

建太社于國中其疆東青土南赤土西白土北
驪土中央黃土

太社之制始見於此

將建諸侯鑿取其方一面之土苞以黃土苴以
白茅以為土封

土封之制始見於此後因之傳曰受劑土於

周室是也

史佚有子而死下殤也墓遠召公謂之曰何以
不棺殮於宮中曰吾敢乎哉召公言於周公周

公曰豈不可史佚行之

下殤用衣棺自史佚始也

五五宮太廟宗宮考宮路寢明堂咸有四阿又
玷重元重廊重常復格藻稅移旅盈忬常畫內
晉玄陛崑塘山廡應門庫臺玄間又以黑石為
門限

按四下曰阿外向室曰玷重元累棟也重廊
累屋也常累條也復格三櫺也藻稅梁上柱
也承屋曰移旅忬藻非之飾也宮廟陛臺修

飾之制詳見於此

制大夫七十致仕

後因之唐令五品以上上表六品以下申奏
年雖少形貌衰老者亦聽致仕

周公作洛陽城百步有一樓櫓

城上樓櫓始見於此

周辛甲為太史命百官作官箴

官箴始於周

易曰樽酒簋飯用缶納約

击亦三代時樂也

季冬令民出五種計耦耕事修耒耜具田器

耦耕不用牛而用人三代事也

職內掌邦之移用均人掌牛馬車輦力政

此陸運也三代轉輸之法至周始見

歲遣軒轅使者求異代方言還奏籍之藏于

室

郭璞所謂不出戶庭坐照四表不勞時令

米能名者也

周公卜成洛邑因流水以汎酒

流觴始此

王不憚乃同召太保奭芮伯彤伯畢公衛侯毛

公師虎臣百尹御事曰敬保元子釗弘濟于

艱難無以釗冒責于非幾

受顧命始此

命作冊度傳顧命

冊書始此

鷄林子曰三代之法莫詳于周然非盡也

於周也或緣夏商之舊而損益之耳孔子
亦夏商有文獻不足之歎孟子於周制猶
有諸侯去籍之嗟使列國具載秦復歲之
不知其詳又何如也或云自周公而下則
其說長蓋有不得不然者然則與吳野也
等僂

○周穆王

穆王因尹軌真人置草樓觀召幽逸人居之謂
之道士

○補遺十

列子記周穆王時有偃師者為木人能歌舞王
與西姬觀之舞終木人瞬目以手招王左右王
怒以殺偃師偃師懼壞之皆丹墨膠漆所為也
○補遺之始也

穆天子傳曰天子東遊黃澤使宮樂作辭曰皇
之既其馬歎沙皇人威儀皇之澤其馬歎王皇
人壽穀

此詩之始也

穆天子傳曰天子觴西王母于瑤池之上王母
為白雲謠

有章曲謂之歌無章曲謂之謠

上問杜冲靈宅棲玄為修觀學道

此道觀所由始也

黑辟疑赦其罰百錢劓辟疑赦其罰惟倍劓
疑赦其罰倍差宮辟疑赦其罰六百錢大辟
赦其贖千錢

罰金始此

王命伯冏作太僕正作冏命

此其命庶官之始乎

○周孝王

惡來之後有非子者好馬善息養之王命主馬
汧渭之間馬大蕃息王封為附庸之君邑于秦
按秦之先始于此

○周夷王

楚熊渠曰我蠻夷也乃立長子康為句亶王紅
為鄂王

此諸侯號王之始也

始下堂而見諸侯

天子之失禮也自夷王始

○周厲王

王虐召公告曰民不堪命矣王怒得衛巫使監
謗者以告則殺之

殺謗言自厲王始

○周宣王

列子云紀渚子為周宣養鬪雞

此戲當始于周也

衛世子共伯蚤死其妻守義父母欲奪而嫁之
誓而弗許作柏舟詩以絕之

節婦見于經傳自共姜始

立先妣之廟祀姜嫄

特祀也此又一始

殺大夫杜伯不辜左孺爭之曰君順友逆則違
友以從君友順君逆則違君以從友因死之
為友死自左孺始見于書

○周幽王

王以褒姒之譖廢申后及太子宜臼

廢后太子始此

以褒姒為后其子伯服為太子

復立后立太子始此

王欲殺太子宜臼求之於申申侯弗予王伐之

申侯與鄆人召西夷大戎伐王殺王于驪山下

按借夷兵始此

欲悅褒姒舉烽煙戲諸侯

烽烽古亦有之或非始於此也

○周平王

鄭伯克段于鄆寘其母姜氏于城穎

幽寘其母此又一大變也後有遷父皇于別

宮者皆原于此

宋穆公疾召大司馬孔父屬立宣公之子與夷

使公子馮出居于鄭

不立子而立弟始見于此公羊氏曰君子大

居正宋之禍宣公為之也

宋公齊侯衛侯盟于瓦屋

諸侯之參盟于是始

衛宣公殺其二子伋壽

父伋子婦始見于此此古今一大變也

○周莊王

秦夷三父族

按族誅始此

葬桓王

二傳曰改葬也改葬始見于此

秦武公伐邽冀戎初縣之

此縣之始始皇郡縣有所祖也

宋萬弑其君閔及其大夫仇牧宋人立公子御

說萬奔陳宋人醢之

醢刑始見于此

○周僖王

齊侯宋人陳人蔡人邾人會于北杏

以諸侯而主天下會盟之政自北杏始其後

宋襄晉文楚莊秦穆交主夏盟跡此而為之

也

秦武公葬雍平陽初以人從死

以人從葬始見于此至繆公以三良殉而從者百七十人可歎也已

楚人修好于諸侯使人入獻天子天子賜胙曰
爾爾南方夷越之亂無侵中國

書賜胙始于此

魯侯逆姜氏于齊以入使宗婦覲用幣

女費用幣始見于此

○周襄王

秦歸晉君夷吾夷吾獻其河西地使太子圉為

質於秦

質子始見於此

秦晉遷陸渾之戎于伊川

中國有戎自此始

晉太子申生卒晉人謚為恭

太子謚始於此冠禮云天子之元子士也士
無謚是知太子無謚

王出居鄭使告難于諸侯臧文仲曰天子蒙塵于外敢不奔問官守

天子蒙塵始見于此

○周定王

鄭人討幽公之亂斲子家之棺而逐其族

斲棺之刑始見于此

晉侯使趙同來獻狄俘

書獻俘始此

魯宣公初稅畝

古穀出不過籍今公田十取其一餘畝復十收其一所謂二猶不足也

桓公七年二月乙亥焚咸丘

公羊曰樵之也樵之者以火攻也後遂祖之以為奇悲矣悲矣

魯成公作丘甲

丘甲丘自為甲也大司馬之制上地家可用者三人中地二家五人下地家二人皆勝兵也必四丘之甸也而後備一卒出長轂一乘

則是從征少而休多也作丘甲從征多而休少矣

孟莊子作鋸鑿

鋸鑿始行

晉敗齊師自徐關入見保者曰免之齊師敗矣
齊女子女子曰君免乎曰免銳司徒免乎曰免
曰苟吾君與吾父免可若何齊侯以為有禮與
之石窮

此婦人得封之始也

齊桓公用庭燎禮天子百燎桓公以諸侯僭之

庭燎之百自桓公始也

管仲遇盜取二人焉上以為公臣管仲死桓公
使為之服

宦於大夫者之為服也自管仲始也有君命
焉爾也

齊桓公亟舉兵作偽主以行及反藏之祖廟

廟有二主自桓公始也

齊桓公始霸用管仲為政謹正塩筴

原姓
第五卷
按鹽政始此自是山海爲官矣至漢有桑弘羊孔僅唐有劉晏任法愈精官無遺利計一歲征輸所入而鹽醴當天下大半之賦文學之士徃徃以是罪之噫使無鹽利而天下之民搜括盡矣然則寧利國乎寧利商乎寧病農乎寧病末乎吾謂管仲有功萬世

魯昭公娶吳爲同姓不敢告天子天子亦不命之

夫人之不命於天子自昭公始也

魯莊公及宋戰縣賁父死之公誅之

士之有誅自此始

禮非祭男女不交爵陽侯因殺繆侯而竊其夫人

大饗廢夫人之禮自二侯始

○周景王

鑄大錢文曰寶

錢有文其製始此

王穆后崩

婦人有謚自景王穆后始

○周靈王

單子晉公魯侯衛侯鄭伯莒子邾子齊世子光
同盟于雞澤陳侯使袁僑如會諸侯之大夫及
袁僑盟

諸侯在而大夫盟於是始晉悼公爲之也

三桓饗君以享禮

大夫饗君非禮也由三桓始也

魏絳陳和戎有五利晉侯乃使魏絳盟諸戎

按和戎始此

○周敬王

孔子觀明堂見四門牖有周公相成王抱之負
斧袞南面以朝諸侯之圖

圖繪功臣古已有之

魯昭公有慈母而愛之死爲之練冠

練冠而喪慈母自昭公始也

衛靈公死卜葬沙丘握數仞得石槨洗視之有
銘

後世以石銘墓或援此也

魯哀公用田賦

自是歛民錢以田爲率矣不言井者城郭里巷亦有井織悉賦之矣

季札葬孔子題其墓曰嗚呼延陵季子之墓

或云題墓始此

魯三家立桓公廟

按禮諸侯不敢祖天子大夫不敢祖諸侯公廟設於私家非禮也自三桓始也

曾子問宗子去在他國庶子無爵而居者可以祭乎孔子曰祭哉請問其祭如之何曰向墓爲壇以時祭若宗子死告於墓而後祭於家

庶子攝祭之禮著於此

季康子朝服以縞

此古禮之一變自康子始也

○周元王

蜀聘于秦

蜀始通道秦賂之也

齊黔婁先生終身不仕死而其妻謚之曰康
庶人之有謚自黔婁始

莒人滅鄆

以異姓為後始此家立異姓為後曰亡國立
異姓為後曰滅

○周貞定王

秦伐義渠虜其王韓魏兵伐伊洛陰戎遺脫者
皆西走踰汧瀧

按自此中國無戎寇

○周威烈王

智伯攻襄子決汾水灌晉城不浸者三版

此水攻之始也其去仁義之兵遠矣

趙文子燕射奏肆夏

大夫之奏肆夏自趙文子始也

司馬穰苴請莊賈為監軍

監軍始此後苦有監軍何與古異

晉獻公初作二軍公將上軍

將軍之名起于戰國時周末又置前後左右

將軍

西門豹引漳水溉鄴以富魏之河內

水利興於此

趙襄子漆智伯之頭為飲器

虐用人首始此

魏文侯使李悝興水利

溝澮法廢此水利所由興也

李悝既為魏文侯作盡地力之教又曰糴甚貴傷民甚賤傷農民傷則離散農傷則國貧故甚

貴與甚賤其傷一也是故善平糴者必謹視歲有上中下熟上熟則糴三而舍一中熟則糴二下熟則糴一使民適足價平則止小饑則發小熟之所斂中饑則發中熟之所斂大饑則發大熟之所斂而糴之故雖遇饑饉水旱糴不貴而民不散取有餘而補不足也行之魏國國以富強

平糴之法始見于此

秦初租禾

損益不可知古制廢矣天生秦將變古法也
秦初令人帶劍

佩玉三代也佩劍秦也可以觀政

西周公封其少子班於鞏以奉王是為東周

此分東西周之始也

齊烹阿大夫封即墨大夫

始有鼎鑊之刑

晉河岸崩壅龍門至于底柱

春秋後河患始於此

越王思范鑄金為像

金人始于勾踐

衛侯預賜北宮喜謚曰貞子賜柝朱鉏謚曰成子

生而有謚自衛侯始也

魏文侯師李悝撰次諸國法著法經六篇

秦漢取以為律以內有雜律一篇

齊自淳于髡以下皆命曰列大夫為門第康許之衢高門大屋尊寵之

賜宅第始見于此

范蠡去越自稱鴟夷子

此別號之始也甘茂號樗里子又有號寒泉子者別號古有之

○周顯王

秦商鞅築冀闕宮室於咸陽徙都之并諸小鄉集聚為一縣縣置令丞

按縣之有令有丞至今不變祖龍郡縣行所本也凶人作法亦能垂久如此

秦封公孫鞅為商君

始有司君者

秦廢井田開阡陌

按井田至是始廢而上世畫野制祿之法不可復見其為罪可勝誅哉

秦始為伏祠

伏祠始於秦德公蓋四時代謝皆以相生惟秋以金代火金畏火至庚日必伏庚者金也

秦殺商君車裂以殉

又有車裂之刑

○周報上

七國爭雄臣下爾始稱曰印

此印之始也

燕樂毅破齊聞畫邑王觸賢使人請之不往自經而死

按死節始此

齊威宣燕昭使人入海求蓬萊方丈瀛洲

三神山之名起于齊燕之時

趙王以趙括為將擊秦括敗兵降秦白起拔許而坑之四十萬人

按殺降始見于此自此坑一開而儒者亦不

免焉杜郵之劍來何暮也

騶子論著始終五德之運

後五勝之說原于此

武靈王服胡服騎射

以車騎戰始此

趙武靈王好胡服制短衣以香皮為之後漸以

長鞞軍戎通服之

此靴之始也

趙武靈王立子何為王自號為主父

主父即後之太上皇張本也

楚屈原作離騷二十五篇

賦之始也

秦賜白起劔死于杜郵

古有賜死之制示不加刑也

楚懷王使柱國昭陽攻齊

柱國楚寵官也

楚懷王與秦戰虜其大將軍屈丐

大將軍始見於此春秋時又有上將軍之名

燕太子與荆軻據案而食

始言案

秦惠文十四年更為元年

此改元之始也

秦莊襄王以所養母華陽夫人為華陽太后

稱太后始此

是時天下冠帶之國七而三國邊於戎狄秦滅
義渠始於隴西北地上郡築長城以拒胡趙武
靈王北破林胡樓煩築長城自代並陰山下至
高闕為塞

按長城紫塞始於此然則築城備胡其來遠
矣不知何以守之恐非倚城為安也

秦大饑應侯請曰五苑之草著蔬菜橡果棗栗
足以活之

秦時已有苑

秦有口賦

賦以口何密也後因之

秦雄諸侯加其武將首為絳帟以表貴賤其後
作顏題

此幘之始也

作渭水橫橋號為石柱橋

石橋秦所造也

古今原始第五卷終

古今原始第六卷

桐城趙鈇鼎卿著

○秦始皇

秦使相國呂不韋遷東周君於陽人聚滅周內
史勝虜韓王安滅韓王翦虜趙王遷滅趙王賁
殺魏王假滅魏王翦虜楚王負芻滅楚王賁虜
燕王喜滅燕誘齊王餓死之滅齊

自古得天下者臣之而已未有滅人之國者
兼并天下始於秦秦知六國之亡也而不知

原如
卷六
嬴之亡也實先於六國天道遠哉

秦并諸侯大赦天下

即位大赦從此始由漢以來或建儲改元立
后皆有赦遂為常制

始稱皇帝

嗚呼合帝王之號而稱之自秦始此世道大
變之一初也

稱后曰皇后以太子之正嫡稱妃

后與妃始有別矣後漢太子有妃有良娣有

孺子妻妾凡三等

分天下為三十六郡郡置一守一丞兩尉以典
之

嗚呼此萬世郡縣之始古列爵以公侯伯子
男分土以百里七十里五十里世及相承秦
始易國以為郡縣易公侯伯子男以為守尉
後事君者無世祿治民者無恒政又世道一
大變也

立監察御史掌監諸郡

按侍御史監察之官從此起矣後或爲殿中御史或爲監察御史云

始徙豪富於咸陽

後世徙民實京師始此

始製受命璽

按璽以立信古者尊卑共之至秦乃獨專之天子璽之文曰受命于天既壽永昌自是厥後有天下者得是璽也遂以爲真有受命之符無是璽也乃至目之爲白板天子一何愚

且惑哉而不知爲亡國一不祥物耳

始以命爲制令爲詔自稱曰朕

自是稱制稱詔稱朕萬世不變秦法也

始除謚法

始皇以古謚法是使子議父使臣議君故除之曰自我始世世以數相承計二世三世至于萬世豈知一再傳而失之乎

以貂蟬賜侍中

貂蟬用於秦或曰始於趙武靈王

追尊其考莊襄王爲太上皇

按稱太上皇始此

秦焚燒先典乃廢古文更用八體一曰大篆周宣王史籀所作也二曰小篆李斯趙高胡毋敬所作也大小篆並簡冊所用也三曰刻符施於符傳也四曰摹印施於印璽也五曰蟲書爲虫鳥之形施於幡信也六曰署書門題所用也七曰殳書銘於戈戟也八曰隸書程邈所定行公府也

始有諸體書

初置郎中令其屬官有三署主官中郎將左中郎將右中郎將署中有郎中侍郎無員多至千人分隸三署主執戟侍宮殿出則充車騎

此郎中侍郎中郎將官名之始後因革不一煬帝於尚書六曹置六侍郎增品以貳尚書之職其諸曹侍郎直曰郎

代少府遣吏四人在殿中主發書號尚書

此尚書之名所由立也漢因之以尚書爲中

臺謁者為外臺御史為憲臺謂之二臺梁陳
後魏北齊隋則曰尚書省

置僕射

古者重武故官曹之長主領其屬而習於射
事隨所領之事以為號若尚書則曰尚書僕
射漢因之本置一人至獻帝分置左右後無

恒置

祠鄒嶧山始刻石為頌

後世刻石頌功始于此

始東行郡縣上泰山陽至顛立石頌德從陰道
下禪於梁父

按封禪雖見於前然皆空言此則見之行事
後漢之光武唐之高宗宋之真宗皆效尤之
作俑之禍遠哉

收秦半之賦鹽鐵二十倍于古

鹽鐵從此大為天下利矣

東遊海上方士徐市等請童男女入海求三神
山不死藥

按方士始見于此嗚呼天下豈有不死之人
不死之藥哉始皇既平六國志欲大遂惟求
久壽於是信方士之言以求長生惑也甚已
東遊海上祠名山大川及八神將
八神一曰天二曰地三曰兵四曰陰五日陽
六曰月七曰日八曰四時神將之祠起于此
或曰自古有之

置謁者

即通事之職也魏始置通事舍人

行半兩錢

古人錢字作泉自是始稱錢而後之八銖四
銖皆原于此

以周青旦爲博士僕射

博士亦秦官也

立治粟內史掌穀貨

治粟內史秦官也

立少府掌山海池澤之稅以給共養

少府亦秦官也

王次仲制八分書

八分書亦始於秦

始作前殿上可以坐萬人下可以建五丈旗
作殿始此

用李斯言以諸生是古非今請史官非秦記皆
燒之所存者醫藥卜筮種樹諸書

按先王典謨禮樂至是燼滅若又一天下也
當時蒼頡作書鬼夜哭鬼神先知其悲也在
是歟

置奉常典禮

漢改爲太常

置中庶子詹事

詹事官名始於此少詹事則唐所加也

使黔首自實田

富者從此田連阡陌矣

置都水長丞

都水之名始于此

置將作少府掌治宮室

將作秦官也

伐匈奴

書伐胡始此因讖伐胡非不得已者也開邊之師從此始矣

初開南越地為郡

此南越屬中國之始按南越地自古不遠中國始皇發逋亡人贅壻賈人為兵畧取南越陸梁地置桂林南海象三郡徙民五十萬人與越雜處五領之地遂合至今風俗移易與

內地同而又資其物產始皇開拓之功此其最著也

置黃門侍郎

按禁門曰黃闥中人主之故號黃門今然則黃門郎給事黃闥之內入侍禁中故號曰黃門侍郎又有給事黃門之職漢因之

置散騎騎從傍乘輿車後獻可替否又置中常侍得出入禁中常侍左右

散騎常侍官名始于此無常員

始置閩中郡

此閩地入中國之始閩王無諸亦勾踐之後沙門室利房等至帝囚之夜有金人破戶以出按列子曰西極之國有化人來穆王事之作中天之臺信此則周秦已有佛矣

置衛尉掌門衛屯兵

衛尉秦官也漢因之

置諫大夫屬郎中令掌論議

諫大夫官名始此漢因之光武始增議字

置御史大夫掌副丞相置御史中丞掌二大夫

應劭曰侍御之率故曰大夫

令百姓納粟一千石拜爵一級

後納粟拜爵始此

秦欲伐匈奴運糧使天下飛芻輓粟起于黃鵠瑯玕負海之郡轉輸北河率三十鍾而致一石按飛輓始于秦盖由海道以入河也恐海運秦已有之

收匈奴河南地爲縣

始皇遣蒙恬斥逐匈奴收其河南地以爲四十縣南郡越北邑胡至是中國之地益大嗚呼變夷爲華是又世變之一初也

出長子扶蘇監軍于邊

按監軍始此

秦置大駕屬車八十一乘法駕半之左右分行其車皆阜蓋赤裏木輜輜戈矛弩箛尚書御史所載最後一乘懸豹尾豹尾以前爲省中

鹵簿起于秦

秦馳道之麗道廣五十步三丈而植厚築其外隱以金椎植以青松

馳道始于秦

陳勝以上蔡人房君蔡賜爲上柱國

上柱國秦以前尊官也

作極廟

生而自爲廟始此後之顧成德陽皆此類也樂錄琵琶本出於絃靴百姓苦長城之役絃靴而鼓之

或云漢公主嫁烏孫匈奴途遠無以樂之廼
馬上作琵琶

蒙恬造箏

箏秦聲也

蒙恬造筆

牛亨曰以枯木爲管以鹿羊爲柱以兔毫爲
被此筆之始也

秦始皇於驪山下錮三泉藏竒器珍怪令匠作
機弩有穿近者輒射之上具天文下具地理工

匠爲機者皆閉墓中

按厚葬始此嗚呼秦之法巧且備矣將以求
藏爲萬世計耳僅再期而楚人發之何機弩
之不足恃也以後帝王之墓無有不發者實
自始皇厚葬始

秦始皇起寢殿于墓側

此墓祭之始也

令後宮無子者皆從死

按宮人殉葬始此遂爲萬世厲階何秦人之

多禍端也

○秦二世皇帝

宦者趙高丞相李斯立少子胡亥為太子

嗚呼此萬世宦者擅立儲君之始

發間左戍

後世發民戍邊始此

秦以宦者趙高為中丞相

嗚呼此後世用宦者輔相之始觀二世之所

以用高高所以謀秦及其所以自為謀萬世

之下可以鑒矣

秦斬李斯夷三族

前有族誅未聞及三族者此又一厲階也

宦者趙高弒其主胡亥立子嬰

嗚呼此萬世宦者弒逆之始

楚義帝以宋義為冠軍

後冠軍侯其義起于此

項籍屠咸陽殺子嬰掘始皇冢大掠

屠城發冢始于此

漢拜韓信爲大將軍信曰大王入關除秦苛法
秋毫無所取無不欲大王王秦者今舉兵而東
三秦可傳檄而定也

始稱檄檄自戰國時始有即古文告之辭

二月甲午漢王築壇即位于汜山之陽

即位壇始於漢

鷄林子曰余讀史至於秦紀歎焉曰士生
三代之後信不幸哉夫三代以上一宇宙
也三代以後又一宇宙也秦實間之何則

自秦廢井田無復見古人畫野分疆之制
廢封建無復見古人大國小國之制自焚
書無復見古人文字自更法無復見古人
典禮深可歎也夫秦法本亂政也而後之
人尊尚之百世不易何哉豈非混沌一鑿
不可以復返耶大抵世世相承沿襲耳目
而古法旣廢考究莫詳故耳然有聖人出
則何如救偏補弊其所損益可知也

古今原始第六卷終



